



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1644. usque ad annum 1651

Fleury, Claude

August. Vind. [u.a.], 1779

VD18 90119177

§. 103. Ernestus Hassiæ Landgravius ad fidem Catholicam reversus.

[urn:nbn:de:hbz:466:1-67359](#)

Sæc. XVII.A. C. 1651

Ergo cætus Lutheranorum est Ecclesia falsa, sovetque doctrinam falsam. Probabo Minorem ex libris ejusdem Lutheri. Majorem vero a ratione sana, sive hæc disputatio abrumpatur, sive non.

Hisce finitum est colloquium, cuius gesta rursus fide publica Hoffius Notarius actis inseruit, suoque sigillo confirmavit.

§. CIII.

Ernestus Hassiae Landgravius ad fidem Catholicam reversus.

*Dorschæ.
Christ.medit.
Imhof. N. P.
l. 4. c. 7.
Acta Calixt.
& Ernest.*

Præterea Georgius Calixtus die decima quinta Decembris, necnon vi gesima secunda ejusdem Mensis datis literis dubia ab Ernesto Landgravi proposita dissolvere nitebatur, cum autem hic idem Princeps sat luculenter humana Calvini æque ac Lutheri commenta detexisset, suosque Prædicantes dissolvendis dubiis impares cerneret, tandem cognitæ veritati vietas dedit manus, atque anno sequenti unacum Serenissima Conjuge sua Eleonora Maria Philippi Rheinhardi Solmensis Comitis Filia Coloniae ipso Trium SS. Regum festo, tempore solemnioris Sacrificii, quod Maximilianus Henricus Archiepiscopus & Elector primum Deo litaverat, ejurata secta, Catholicam fidem in

in ipsius, ut loquimur, manibus præ- Sæc. XVII.
 sente Philippo Duce Neoburgico publice A.C. 1651.
 profitebatur. Erat is Mauritii Hasso-
 Casselensis Landgravii Filius, stirpis
 Rhenofelsenis Fundator, in cuius po-
 steris in Rotenburgensem, & Wanfri-
 danam lineas divisis, hodieum Catho-
 lica Religio floret, eisque Romana
 Ecclesia trans Rhenum plurimum de-
 bet. Biennio post Elisabetha Amalia
 Philippi Neoburgici Ducis Conjur
 Schwalbaci primum, & postea Düssel-
 dorpii, necnon Georgius Christianus
 Hassiae Landgravius Bruxellis in Bel-
 gio sectam ejurarunt, Edidit Ernestus
 Princeps præter conversionis suæ mo-
 tiva librum, cui titulus: *Catholicus Di-*
scretus, in quo moderatas de hodierno
 Religionum statu animadversiones ad-
 duxit, quibus tamen Andreas Kühn
 suum *Discretum Catholicum Autocatacri-*
tum opposuit, & Joannes Georgius
 Dorischæus Ernesti motiva refellere co-
 natus est.

§. CIV.

Bulla Urbani VIII. jussu Philippi Hi-
spaniae Regis in Belgio pro-
mulgata.

Hoc item anno Philippus IV. Hispa- Argentre
 niarum Rex Leopoldo Austriæ Ar- Coll. Jud.
 chiduci, i. 3. p. 259.
 de nov. err.